


Importante Gid sa Dios ang Kabuhi (Bahin 2)

Ginbase sa kapitulo 13 sang libro nga *Ano Gid ang Ginatudlo sang Biblia?* nga makita sa jw.org/hil.

KATUYUAN: Mabinagbinag ang imo mga ginapatihan kag kon ngaa ginapatihan mo ini, mausisa ang ginatudlo sang Biblia, kag makita kon paano mo mapaathag ang imo ginapatihan sa iban.



KON PARTE SA PAGGAMIT SANG DUGO, NGAA MAY GINHATAG ANG DIOS NGA LIMITASYON?

1 BINAGBINAGA ANG IMO MGA GINAPATIHAN

Ano sa banta mo ang isiling sang iban?

Ano ang *imo* ginapatihan?

Ngaa ginapatihan mo ini?


Para sa Dios, ang dugo sagrado.
(Tan-awa ang kapitulo 13 sang libro nga *Ginatudlo sang Biblia*, parapo 10-16.)

Basaha ang Genesis 9:3, 4; Levitico 17:13, 14.

Ngaa nagsugo ang Dios nga indi naton pagkaunon ang dugo?

Basaha ang Binuhatan 15:28, 29.

Puede bala sa mga Cristiano ang pag-inom sing dugo, ang pagkaon sang karne nga wala napatulo ang dugo, ukon ang pagpatughong sing dugo?



Kon ginhambalan ka sang imo doktor nga maglikaw sa makahulubog nga ilimnon, ipatughong mo bala ini sa imo ugat?

Ginpakita sa Kasuguan ni Moises nga isa lang ang insakto nga paagi sang paggamit sang dugo.

(Tan-awa ang kapitulo 13 sang libro nga *Ginatudlo sang Biblia*, parapo 17-19.)

Basaha ang Levitico 17:11.

Paano nakabenepisyo ang katawhan sang Dios sang una sa paggamit sang dugo sa mga halad?

Basaha ang Juan 3:16; Hebreo 9:11, 12.

Ano ang nahimo ni Jesus sang ginhalad niya ang iya dugo nga nagarepresentar sang iya kabuhi?

Ano ang ginbatyag mo sang nabal-an mo nga ginhatag ni Jesus ang iya kabuhi para sa imo?

3

IPAATHAG ANG IMO GINAPATIHAN

KON MAY MAGSILING...

Ang ginasiling sang Biblia parte sa dugo sinang-una pa.

MAHIMO KA MAGSABAT...

'Tuod na nga dugay na ginsulat ang ginasiling sang Biblia parte sa dugo. Pero para sa akon dapat gihapon ini patihon sang mga Cristiano subong kay...

Ano nga bersikulo ang puede mo ipabasa sa iya?

Base sa iya sabat, paano mo ipaathag ina nga bersikulo?

KON MAY MAGSILING...

Ano abi kon magsiling ang doktor nga mapatay ka kon indi ka pagtughungan sing dugo?

MAHIMO KA MAGSABAT...

Kon amo gid sina ka serioso ang akon sitwasyon, mapasalig n'yo bala ako nga *indi* ako mapatay kon magpatughong ako? Pero may isa nga nagapasalig nga kon mapatay kita, banhawon niya kita...

Ano nga bersikulo ang puede mo ipabasa sa iya?

Base sa iya sabat, paano mo ipaathag ina nga bersikulo?
